

ა) პროგრამის სახელწოდება: ქართულად: სოციოლოგია
ინგლისურად: Sociology

ბ) მისანიჭებელი კვალიფიკაცია: ქართულად: სოციოლოგიის მაგისტრი
ინგლისურად: Master of Sociology

გ) პროგრამის მოცულობა კრედიტებით: 120 კრედიტი

დ) სწავლების ენა: ქართული

ე) საგანმანათლებლო პროგრამის მიზანი, რომელიც მიმართულია სტუდენტის კომპეტენციების გამომუშავებასა და დასაქმების სფეროს განსაზღვრაზე: სოციოლოგიის სამაგისტრო პროგრამის მიზანია სოციოლოგიაში (აგრეთვე, ზოგადად, სოციალურ მეცნიერებებში) ბაკალავრიატის დონეზე შეძენილი ზოგადი განათლების კონკრეტული და სიღრმისეული გაფართოება როგორც სოციალურ-თეორიული, ისე, სოციოლოგიური კვლევის ემპირიული მეთოდების მიმართულებით. სამაგისტრო პროგრამის ერთიანობას უზრუნველყოფს კურსების სტრატეგიული კოორდინაცია და მთელი პროგრამისათვის რელევანტური სავალდებულო და არჩევითი კურსები, რომლებიც მაგისტრატურის დონეზე სოციოლოგიის კურიკულუმს კონცეპტუალურად ადეკვატურად ხდის.

ვ) პროგრამაზე დაშვების წინაპირობა:

- მინიმუმ ბაკალავრის ხარისხი;
- საერთო სამაგისტრო გამოცდა;
- გამოცდა სოციოლოგიაში;
- უცხო ენის B1 დონეზე ცოდნის დადასტურება (გამოცდა ან შესაბამისი სერტიფიკატი).

ზ) სწავლის შედეგი:

ცოდნა და გაცნობიერება - პროგრამის დასრულების შემდეგ სოციოლოგიის მაგისტრი უნდა ფლობდეს ღრმა და სისტემურ ცოდნას თანამედროვე სოციოლოგიის ძირითად თეორიებსა და კვლევის მეთოდებში. მას არა მხოლოდ უნდა შეეძლოს ამ ცოდნის გაზიარება, არამედ მისი ოპერაციული გამოყენება.

ცოდნის პრაქტიკაში გამოყენების უნარი - სოციოლოგიის მაგისტრი უნდა ფლობდეს სრულფასოვანი ემპირიული კვლევის ჩატარების უნარ-ჩვევებს (ანუ უნდა შეეძლოს თანამედროვე ემპირიული კვლევის მეთოდების ადეკვატური გამოყენება საზოგადოებისათვის აქტუალური საკითხების შესწავლისთვის); მას ექნება უნარი განსაზღვროს სხვადასხვა სოციალური პრობლემის კვლევის გზები და

ჩამოაყალიბოს არსებითი და ეფექტური რეკომენდაციები ამ პრობლემების გადასაჭრელად; ექნება უნარი, ჩაერთოს სხვადასხვა მეთოდით წარმართულ კვლევით პროექტებში როგორც უფროსი მკვლევარი ან თავად წაუძღვეს კვლევითი პროექტის განხორციელებას; ხარისხიანად და მაღალ დონეზე აწარმოოს კვლევა არსებული ეთიკური და პროფესიული სტანდარტების დაცვით.

დასკვნის უნარი - მაგისტრატურის კურსდამთავრებულს შეეძლება, რომ სოციოლოგიური მონაცემების დამოუკიდებლად დამუშავებისა და გაანალიზების საფუძველზე გააკეთოს დასკვნები შესასწავლი პრობლემის არსის, მისი გადაჭრის გზების შესახებ.

კომუნიკაციის უნარი - მაგისტრატურის კურსდამთავრებულს შეეძლება კომუნიკაცია დაამყაროს როგორც ქართულ, ისევე უცხო ენაზე ყველა იმ ადამიანთან თუ ჯგუფთან, რომლებიც მისი კვლევის ობიექტს წარმოადგენენ (რესპონდენტები, ექსპერტები, სხვადასხვა სამიზნე ჯგუფების წარმომადგენლები და სხვ.). მას განვითარებული ექნება სოციალური უნარები, კერძოდ, შეეძლება ჯგუფური მუშაობა, მათ შორის, ინტერდისციპლინარულ ჯგუფში მუშაობა.

სწავლის უნარი – მაგისტრი შეძლებს სწავლის დამოუკიდებლად წარმართვას და სწავლის პროცესის თავისებურებების გაცნობიერებას. სოციოლოგიის მაგისტრს შეეძლება, რომ მის მიერ ათვისებული ცოდნა და გამოცდილება გადასცეს სხვებს.

ღირებულებები, რომელსაც შეიძენენ პროგრამის დასრულების შემდეგ:

- ✓ პროფესიული ეთიკის პრინციპების პატივისცემა
- ✓ კვლევის ობიექტის (ადამიანები, ჯგუფები) უფლებების, პირველ რიგში, მათი ანონიმურობის დაცვა
- ✓ პლაგიატის უარყოფა
- ✓ ქსენოფობიური და ეთნოცენტრისტული დამოკიდებულებების უარყოფა; განსხვავებებისა და კულტურული მრავალფეროვნების დაფასება და პატივისცემა;

მაგისტრატურის კურსდამთავრებულებს, აგრეთვე, გამომუშავებული ექნებათ ზოგადი (ტრანსფერული) უნარები: აბსტრაქტული აზროვნება, მოვლენათა კრიტიკული ანალიზი და სინთეზი, ახალი იდეების გენერირება, ცოდნის მუდმივი განახლება, სხვადასხვა წყაროდან ინფორმაციის მოძიება და ანალიზი, დისკუსიის წარმართვა, საკუთარი ნაშრომისა და მოსაზრებების საჯარო წარდგენა და ა.შ.

თ) სწავლის შედეგების მიღწევის მეთოდები: შედეგების მისაღწევად გამოყენებული იქნება სწავლებისა და სწავლის შემდეგი მეთოდები:

1. ვერბალური, ანუ ზეპირსიტყვიერი მეთოდი;
2. წიგნზე მუშაობის მეთოდი;
3. წერითი მუშაობის მეთოდი, რომელიც გულისხმობს შემდეგი სახის აქტივობებს: ამონაწერებისა და ჩანაწერების გაკეთება, მასალის დაკონსპექტება, თეზისების შედგენა, რეფერატის, ან ესსეს შესრულება, და ა.შ.;

4. პრაქტიკული მეთოდები, რომლებიც სტუდენტს პრაქტიკულ უნარ-ჩვევებს ჩამოუყალიბებს: სასწავლო და პედაგოგიური პრაქტიკა, საველე მუშაობა და სხვ.

სწავლების პროცესში გამოყენებული იქნება, აგრეთვე, ისეთი მეთოდები, როგორცაა:

1. დისკუსია, დებატები;
2. ჯგუფური მუშაობა (cooperative/ collaborative);
3. პრობლემაზე დაფუძნებული სწავლება (PBL);
4. შემთხვევის ანალიზი;
5. გონებრივი იერიში (Brain storming);
6. ქმედებაზე ორიენტირებული სწავლება.

ი) სტუდენტის ცოდნის შეფასების სისტემა: სტუდენტის გაწეული შრომის შეფასება ითვალისწინებს გარკვეულ თანაფარდობას შუალედურ შეფასებებსა და დასკვნითი გამოცდის შეფასებას შორის. თითოეული სასწავლო კურსის მაქსიმალური შეფასება ხორციელდება 100–ქულიანი სისტემით. შუალედური შეფასებები შეიძლება დაეყრდნოს შემდეგ აქტივობებს:

- აქტიურობა სასემინარო, ან პრაქტიკულ მეცადინეობაზე;
 - საკონტროლო სამუშაო;
 - საპრეზენტაციოდ მომზადებული მოხსენება;
 - წერიტი და ზეპირი საშინაო დავალებები;
 - შუალედური გამოცდა;
 - საბოლოო გამოცდა;
- და სხვა.

დაუშვებელია დასკვნითი გამოცდის შეფასება 40 ქულაზე მეტით.

კ) სასწავლო გეგმა: იხ. დანართი

ლ) პროგრამის ხელმძღვანელი: თსუ სრული პროფესორი იაგო კაჭკაჭიშვილი

მ) დასაქმების სფეროები: სოციოლოგიის მაგისტრატურის კურსდამთავრებულს შეეძლება შრომითი საქმიანობის დაწყება ყველა იმ სახელმწიფო თუ არასამთავრობო ორგანიზაციაში, რომელიც ზოგადი კვალიფიკაციის სოციოლოგს საჭიროებს. ასეთი კვალიფიკაცია კი პრინციპულად ყველა სფეროში არსებულ ორგანიზაციას შეიძლება დასჭირდეს.

ნ) დამატებითი ინფორმაცია: პროგრამას შეუძლია მოემსახუროს საშუალოდ 30–მდე სტუდენტს ყოველწლიურად.

სწავლის გაგრძელების საშუალება: სამაგისტრო პროგრამის სწავლის შედეგი უზრუნველყოფს კურსდამთავრებულის შემდგომ საფეხურზე - დოქტორანტურაში სწავლის გაგრძელების საშუალებას.

ინფორმაცია პროგრამის განხორციელებისათვის აუცილებელი მატერიალური რესურსების შესახებ:

სოციოლოგიის მიმართულებას ემსახურება თსუ-ს სოციალურ და პოლიტიკურ მეცნიერებათა ფაკულტეტის მატერიალურ - ტექნიკური ბაზა;

უნივერსიტეტის რესურსცენტრები;

თსუ ელექტრონული სწავლების პორტალი;

ელექტრონული ჟურნალები და ბაზები;

უნივერსიტეტისა და სოციალურ მეცნიერებათა ფაკულტეტის ბიბლიოთეკა;

სტუდენტის რეგისტრაციისა და სასწავლო პროცესის მართვის საუნივერსიტეტო ქსელი;

გარდა ამისა, სოციოლოგიის მიმართულების რესურსცენტრი, რომელიც მოიცავს: ექვს გარემონტებულ ოთახს (ფართი დაახლოებით 140 კვ.მ.); ბიბლიოთეკას, დაახლოებით 1400 წიგნით სოციალური მეცნიერებების სფეროში; 22 უახლესი მოდელის კომპიუტერს; 24 საათიან ინტერნეტ მომსახურებას (DHL ქსელი); 5 პრინტერს; ქსეროკოპირების მანქანას; პროექტორს; ფაქსს, სკანერს და ა.შ.

რესურსცენტრი ღიაა 9-დან 18 საათამდე სამუშაო დღეებში. რესურსცენტრის მომსახურებით ყოველდღიურად სარგებლობს 50-ზე მეტი სტუდენტი.

პროგრამის ფინანსური უზრუნველყოფა: სამაგისტრო პროგრამის ფინანსურ უზრუნველყოფას ახდენს თსუ.

სოციოლოგიის მაგისტრატურის სასწავლო გეგმა

პროგრამის სტრუქტურა

N	სასწავლო კურსის დასახელება	კრედიტების რაოდენობა	ECTS		სტუდენტის საკონტაქტო მუშაობის საათები სემესტრში	სტუდენტის დამოუკიდებელი მუშაობის საათები სემესტრში			დასკვნითი გამოცდის ჩაბარება	საგანზე დაშვების წინაპირობა	სწავლების სემეტრი		ლექტორი/ლექტორები	
			ლექცია	სამუშაო ჯგუფი / პრაქტიკუმი		ლექცია-პრაქტიკუმებისათვის მომზადება	შუალედური გამოცდის/გამოცდების მომზადება	დასკვნითი გამოცდის მომზადება			შემოდგომა	გაზაფხული		
სავალდებულო კურსები-														
I მოდული: სოციალური თეორიები 15 კრედიტი - სავალდებულო														
1	თანამედროვე სოციალური თეორიები	10	30	30	150	16	20	4	წინაპირობის გარეშე	✓	✓	ი. კაჭკაჭიშვილი ა. ბერძენიშვილი		
2	პოსტმოდერნული სოციალური თეორიები	5	15	15	75	8	9	3	წინაპირობის გარეშე		✓	ი. კაჭკაჭიშვილი		
II მოდული: სოციოლოგიური კვლევის მეთოდები 20კრედიტი - სავალდებულო														
3	რაოდენობრივი სოციოლოგიური კვლევის მეთოდები	5	15	15	60	16	17	2	წინაპირობის გარეშე	✓		ლ. წულაძე		

4	სოციალურ მონაცემთა ანალიზი	5	15	15	81	5	7	2	წინაპირობის გარეშე		✓	ნ. დურგლიშვილი ი.
5	თვისებრივი სოციოლოგიური კვლევის მეთოდები	10	30	30	92	68	24	6	წინაპირობის გარეშე	✓	✓	ლ. სურმანიძე
III მოდული: დარგობრივი სოციოლოგია 15 კრედიტი - სავალდებულო/არჩევითი კურსები												
6	კულტურის სოციოლოგია	5	15	15	46	34	12	3	წინაპირობის გარეშე		✓	ლ. სურმანიძე
7	პოლიტიკისა და ძალაუფლების სოციოლოგია	5	15	15	73	8	12	2	წინაპირობის გარეშე		✓	ა. ბერძენიშვილი
8	სახელმწიფო და ეკონომიკა: სოციოლოგიური პერსპექტივა	5	15	15	41	21	30	3	წინაპირობის გარეშე	✓		ა. დიაკონიძე
9	ხელოვნების სოციოლოგია: პოსტმოდერნული დისკურსი	5	15	15	41	21	30	3	წინაპირობის გარეშე	✓		დ. ანდრიაძე
10.	სუბკულტურის სოციოლოგია	5	15	15	41	21	30	3	წინაპირობის გარეშე	✓		ლ. წულაძე
IV მოდული: სპეცკურსები 25 კრედიტი - არჩევითი												
9	გლობალიზაცია და გლობალური პრობლემები	5	15	15	60	16	17	2	წინაპირობის გარეშე	✓		ზ. დავითაშვილი
10	დემოკრატიზაცია თანამედროვე სამყაროში	5	15	30	60	8	9	3	წინაპირობის გარეშე	✓		გ. ჟორჟოლიანი
11	გენდერის სოციალურ-პოლიტიკური თეორია და პრაქტიკა	5	15	15	65	12	16	2	წინაპირობის გარეშე	✓		ლ. გაფრინდაშვილი
12	გენდერი და განვითარება	5	15	15	65	12	16	2	წინაპირობის გარეშე	✓		თ. საბედაშვილი

13	პოლიტიკური მარკეტინგი და საარჩევნო კამპანია	5	15	15	65	12	16	2	წინაპირობის გარეშე	✓		მ. მაცაბერიძე
14	ინდივიდუალიზმი და კოლექტივიზმი	5	13	15	46	34	12	3	წინაპირობის გარეშე		✓	ლ. სურმანიძე
15	კულტურის პოსტმოდერნული ტრანსფორმაციები	5	15	15	65	12	16	2	წინაპირობის გარეშე	✓		ა. ყულიჯანიშვილი
16	კულტურა და იდენტობები ცვალებად საზოგადოებაში	5	15	15	60	16	17	2	წინაპირობის გარეშე	✓		ლ. წულაძე
17	საზოგადოება, სახელმწიფო და იდეოლოგიები	5	13	15	46	34	12	3	წინაპირობის გარეშე		✓	ს. დუნდუა
18	ანთროპოლოგიური სკოლები	5	13	15	46	34	12	3	წინაპირობის გარეშე	✓		ქ. ხუციშვილი
19	სპეციალური ინგლისური სოციალურ მეცნიერებებში	5	15	15	60	15	18	2	წინაპირობის გარეშე	✓		ნ. ბოლქვაძე
V მოდული: პრაქტიკუმი სოციოლოგიაში 15 კრედიტი - სავალდებულო												
18	პრაქტიკუმი სოციოლოგიაში	15		375	299	30	40	6		✓	✓	თ ხომტარია
19	სამაგისტრო ნაშრომი (სავალდებულო)	30										

